

ШКОЛ, МЕНДВЧ!

Эн өдр школд орхнь чигн, эс орхнь чигн ниргв. Гунта Карпов Тост эрт босчкад экдән:

— Би школд однав... Дегтр ас!— гидж занънв.

Йосн ик шууган—школин өөр болджана. Женя Кектева сөһни дуусн унтси уга: манъгъдур школд одхв гисн тоолвр, шөвгәр хатхсн мет, унтулхш.

Бичкдүдин захд бääсн, ик төргр хар нүдтә, цань угагъар кеерәд ирсн күүкнәс сурв:

— Чини нерн кемби?

— Валя,— гидж цаадкнь зөргтәгъар хәрү өгв. — Валя Куцекова.

Хаджуднь йовсн Женян эк— Валентина Зодьбаевна болн Валян эк — Елизавета Нохаевна, эднә күүндә сонъсчкад, мусг инәлдв.

Валя, Женя хойрла Люда Буринова хамцад, тедн агчмин зуур танъл болцхав.

Хальмгин бичкдүд дасгъх Киштә Бембеевна Бадмаева, классин үүд секәд, бичкдүдән

орулад, партин ард суулгъв.

Экләд нердинь дуудхла, маштг партин цаагъас эн шин эклдж школд орджах бичкдүдин толгъа әрә үзгднә.

Баахн бер Бунаева Саглр Дорджиевна, Лёня гидг көвүгъән школд авч ирчкәд, нигдж келв:

— Цагин эвәр, би эврәннь төрски келән сәәнәр дасдж чадсн уга биләв. Тегәд, көвүгъән хальмг келән күцс дастха гидж санджанав.

Эн берин келсн чик.

Хальмг танъгъчиннь туудж дасхин кергт, культуринь болн билг-эрдминь өддлүлхин, делгрүлхин кергт күн болгън эврә келән сән күцс медх зөвтә. Төрски келн — мана эрки зөөр!

— Наснанны туршд сольш угав, эврә медрлән теднд өгнәв, — гидж Киштә Бембеевна келв. Тернь үнн. Бадмаева хөрн джилин туршарт бичкдүд сургъата. Эн джил хальмгин үрдүдиг хальмг келәр дасгъхми гихлә Киштә Бембеевна, шинәс төрсн мет байрлв.

— Киштә Бембеевна, сургългън эклсн цагт экринь классд орулдж болхий аль угай?— гидж шин эклдж багшлджах баахн күүкн, Бадмаевас сурв. Багъ наста багшиг хаджудан суулгъчкад Киштә эклән әдл сүв-селвгән өгв. Людмила Николаевна Ташнинова медәтә багшин селвгиг йир оньгтагъар сонъсв. Людмила Николаевна багшин хаалгъан эн джил түрүн эклджәнә.

Тер хоорнд классас газа гарсн бичкдүд дунд арвдгч классин сургъульчнр Грелла Алексеева, Нонна Адучиева хойр шин наад зааджана.

Сургъулин шин джил эклв. Гурви сард тагчг бääсн классмуд дакнас байрта, шуугата сургъульчнрар дүүрв. Хонъх өмнкәсн чанъгъар джинънв.

— Школ, мендвч! — гидж сургъульч болгън эндр классин эрк алхн келв.

АЛЕКСЕЙ БАЛАКАЕВ.